

MVUANDISILU YA CURE-DOYEN

M'vovo wa Tata Monseigneur Vicaire Général

1. Mu landila n'siku mya Dibundu dya santu dya Katolika, Curé-Doyen, i Ngang'a Nzambi wa solua kua Ngang'a Mbuta mu kala n'tu evo n'tuadisi a doyenné. Doyenné i ziunga kya Dibundu mu diocèse dyeto kikutakasa zi paroisse za zingi. Diocèse dyeto dyena ye doyenné nsambuadi : doyenné dya Mbanza-Ngungu, doyenné dya Kuilu-Ngongo, doyenné dya Kimpese, doyenné dya Luozi, doyenné dya Mangembo, doyenné dya Matadi, doyenné dya Kinzao-Mvuate.

Curé-doyen ka solua mu diambu dia mvula za kimbuta kiani ko, evo mu diambu dia mi m'vu mia kinganga kya Nzambi kiani ko. Kansi wasolua mu diambu dya nkadilu zandi za singama, kimuntu kiandi ye ngangu zandi za kutikisa zi Nganga za Nzambi mu sala salu kya Dibundu. Yandi wena n'kengi a nsadilu ya salu kya Dibundu mu ziunga kyandi, evo doyenné.

Vo nkadilu za Curé-Doyen ka zi fuanane dyaka ko ye salu katambula, Ngang'a Mbuta, mu lukanu lwa yandi kibeni, lenda vutukila yekwa kyani kavana kia ki Doyen.

2. Yani Curé-Doyen kena curé ya zi paroisse zozo ko. Salu kiani ka kya tuadisa n'kangu a zi paroisse zozo ko. Kansi salu kiandi kia tuadisa zi Nganga za Nzambi za paroisse zozo, ba curés ye ba vicaires, kinumana vo konso Ngang'a Nzambi ka sala salu ka tambula kua Ngang'a Mbuta bonso bu fwene.

3. Ema mena mu salu kya Curé-Doyen :

- Twadisa ye dyatisa mu kintuadi mambu matadila Pastorale ya doyenné, isa vo nkadilu za bisambu, za malongi ma katekisimu, za zi commissions, za zi CEVB, za zi groupes de prière zi fuete kala nsadilu i mosi mu doyenné ya m'vimba. Kavena ko vo konso Ngang'a Nzambi, konso Curé kavanga mana ma kazolele ye diata yani mosi mu nkadilu zan'kaka. Nkatu.
- Toma kengelela nsadilu ye nzingilu a zi Nganga za Nzambi (ye ba ma soeurs, ba frères, da demoiselles consacrées) bena mu ziunga kyandi, mpasi vo konso muntu ka zingila bonso bisilu bina kasila va ntual'a Ngang'a Mbuta ye vo Supérieur diani. Ye mpe salu kina ka tambula ka sadila kyo bonso bu fuene.
- Kengelela evo toma landila ndyatisilu ya sambu kya Dibundu mu nsadilu a zi sakramento (evo liturgie) mu ziunga kyani, mpasi vo bya sadilua bonso butumanga Dibundu dyeto dya Katolika.

- Kengelela evo toma landila mu doyenné diya dio mambu matadidi bunkete ye kitoko kya zi nzo za Nzambi, biti, zi armoire, min'lele, ye mbungua za n'longo. Bya bionso bya kala bya kitoko (propre).
- Kengelela evo toma landila mu doyenné dya m'vimba ndundilu ya Kominio, ya lundamba kondua kua vueza nitu ya Yezo Kristo.
- Landila mu doyenné dya m'vimba bueyi Nganga za Nzambi beta lundila ye tanina min'kanda mya nsonokono a zi sacramento, evo registres.
- Landila mu doyenné dya m'vimba bueyi beta lundila ye tanina zi paroisse, zi nzo za Diocèse ye bima bya n'kaka bya Dibundu.

4. Mu ntangu a mpasi, mu kimbevo ye mu lufua

- Ntete ntete Curé-Doyen ka fueete kutikisanga Nganga za Nzambi za doyenné mu yambilanga va mosi mambu ma tadidi ndyatisilu ya Dibundu, ndongokelo ya mambu (formations, conférences) mu doyenné.
- Curé-Doyen kafuete sadisa Nganga za Nzambi za doyenné mu luzingu lua kimpeve, mu nkutakanu a zi recollection ye retraite, ye mambu man'kaka ma kimoyo.
- Curé-Doyen kafuete tanina Nganga za Nzambi za doyenné zena mu mpasi za mpila mu mpila za luzingu lua kimuntu.
- Curé-Doyen kafuete finama Ngang'a Nzambi ya doyenné yena mu mpasi za kimbevo, ye vo kondelo lusadisulwa moyo evo lua nitu.
- Vo Ngang'a Nzambi ya doyenné fuidi, Curé-Doyen i salu kiani kya kubika bonso bufuene sambu kya luziku luani. Wena mpe ya luve lua tanina bima biawonso bia nduna fuidi, bivuilu kua Dibundu kimana vo kabividi ko ye ka biyibua ko.
- Curé-Doyen ka fueete kingulanga mavimpi ma mavula mani evo paroisses bonso butuminanga Ngang'a Mbuta.

5. Mu landila n'siku mu Diocèse dyeto dya Matadi, bonso buasonama mu zi décrets za Ngang'a Mbuta et lutumu lua Synode diocésain (n. 224-234) :

- Curé-Doyen ka fueete sala salu kiandi kintuadi ye Ntumw'a Nganga Mbuta mu mambu matadidi pastorale, liturgie ye nsobelo, nkangilu ovo nzibudulu a zi paroisse.
- Curé-Doyen ka fueete sala salu kiandi kintuadi ye Mgr Vicaire Général mu mambu ema :

- ndundilu a n'kanda a zi sakramento,
 - ndundilu a bima bya Dibundu,
 - nzibudilu a fulu bilenda kotisa mbongo mu tomesa paroisse ye Diocèse,
 - landila mambu matidi n'kayilu wa «Beto tungulula Diocèse ya beto».
- Curé-Doyen ka fueete kuenda yandi mosi ku lukutakanu lua Conseil Presbytéral. Kalendi fila Ngang'a Nzambia n'kaka ko.
 - Kintuadi ye ba curés ba zi paroisses za doyenné, kafuete dedekesa programme ya nzietolo ya Ngang'a Mbuta mu zi paroisse, mu mambu matididi mvaninu a zi sakramento (nsiamisa, kinganga kya Nzambi, longo lua Nzambi, nkutakanu ya ba jeunes...)
 - Vice-doyen nkatu. Vo mbindamanu kua Curé-Doyen, Ngang'a mbuta yani mosi fueete sola Ngang'a Nzambi a n'kaka mu kun'vana yekwa kya Curé-Doyen.

Bampangi tua sambila Tata Nzambi, yandi utuvananga salu kya diatisa n'kangu andi, ka fidisa Mpeve andi ya Nlongo kua yandi watambudi yekwa kiaki kya Curé Doyen. Bika Mfumu Nzambi ka kun'vana ngolo ye ngangu mu salu kiaki.
Nzambi ka sambula Diocèse dyeto dia Matadi.

Amen !

Matondo kua Ngang'a Nzambi Jean Makanua utusadisi mu kikongo.

Giraud Pindi
Vicaire Général